



## Viðaukar við samþykkt um stjórn og fundarsköp Akureyrarkaupstaðar

Með vísan til 67. gr. samþykktar um stjórn og fundarsköp Akureyrarkaupstaðar eru settir svofelldir viðaukar við samþykktina:

Viðaukarnir varða fullnaðarafgreiðslu ráða, stjórnar og nefnda og sviðsstjóra í stjórnsýslu Akureyrarbæjar á eftirtöldum málefnasviðum:

### Viðaukar ráða, stjórnar og nefnda 1.0.

#### Viðauki 1.1. Kjarasamninganefnd

##### 1. gr.

Kjarasamninganefnd er heimilt að afgreiða án staðfestingar bæjarstjórnar og bæjarráðs mál á verksviði nefndarinnar ef

- a) lög eða eðli máls mæla ekki sérstaklega gegn því,
- b) þau varða ekki fjárhag sveitarfélagsins umfram það sem kveðið er á um í starfs- og fjárhagsáætlun,
- c) þau víkja ekki frá stefnu bæjarstjórnar í veigamiklum málum

##### 2. gr.

Kjarasamninganefnd afgreiðir eftirtalin verkefni án staðfestingar bæjarstjórnar eða bæjarráðs:

1. úthluta TV-einingum vegna verkefna og hæfni,
2. úthluta TV-einingum vegna markaðs- og samkeppnisaðstæðna,
3. ákvarða ásamt bæjarstjóra kjör sviðsstjóra.

##### 3. gr.

Fundargerðir kjarasamninganefndar skulu lagðar fram til kynningar á næsta reglulega fundi bæjarstjórnar.

##### 4. gr.

Eftir að kjarasamninganefnd hefur tekið ákvörðun og hún verið tilkynnt, á aðili máls rétt á því að mál sé tekið fyrir að nýju ef ákvörðun hefur byggst á ófullnægjandi eða röngum upplýsingum um málsatvik eða ef íþyngjandi ákvörðun um boð eða bann hefur byggst á atvikum sem hafa breyst verulega frá því að ákvörðun var tekin. Endurupptaka er heimil innan þriggja mánaða frá því að aðila máls var eða mátti vera kunnugt um ákvörðunina. Aðili máls skal beina kröfu um endurupptöku máls til bæjarráðs.

##### 5. gr.

Bæjarstjórn felur sviðsstjóra stjórnsýslusviðs að afgreiðir mál á starfssviði hans, sem heyrar undir kjarasamninganefnd, sbr. viðauka 2.3. Bæjarstjórn setur reglur um afgreiðslu þessara mála. Kjarasamninganefnd hefur eftirlit með afgreiðslum sviðsstjóra stjórnsýslusviðs og skulu þær kynntar nefndinni með skriflegri skýrslu einu sinni á ári.



### Viðauki 1.2. Skipulagsráð

#### 1. gr.

Skipulagsráði er heimilt að afgreiða án staðfestingar bæjarstjórnar mál á verksviði nefndarinnar ef:

- a) lög eða eðli máls mæla ekki sérstaklega gegn því,
- b) þau varða ekki fjárhag sveitarfélagsins umfram það sem kveðið er á um í starfs- og fjárhagsáætlun,
- c) þau víkja ekki frá stefnu bæjarstjórnar í veigamiklum málum, s.s. stefnu gildandi svæðis- og aðal- og deiliskipulagsáætlana, umhverfis- og samgöngustefnu og byggingarlistastefnu Akureyrarbæjar.

#### 2. gr.

Skipulagsráð afgreiðir eftirtalin verkefni skipulagslaga nr. 123/2010 án staðfestingar bæjarstjórnar, sbr. 2. mgr. 6. gr. skipulagslaga:

1. ákvörðun um hvort að gerð sé tillaga að deiliskipulagi eða breytingu á deiliskipulagi til samræmis við innkomin erindi með vísan til 38. gr. skipulagslaga,
2. samþykkt og kynning lýsingar deiliskipulags samkvæmt ákvæðum, sbr. 1.-3. mgr. 40. gr. skipulagslaga,
3. ákvörðun um og samþykkt óverulegra breytinga á deiliskipulagi skv. 2. mgr. 43. gr. skipulagslaga,
4. ákvörðun um hvort að við útgáfu á framkvæmda- eða byggingarleyfi sé heimilt að víkja frá kröfum um breytingu á deiliskipulagi eða grenndarkynningu þegar um svo óveruleg frávík er að ræða að hagsmunir nágretta skerðist í engu hvað varðar landnotkun, útsýni, skuggavarp eða innsýn, sbr. 3. mgr. 43. gr. skipulagslaga,
5. ákvörðun samkvæmt 44. gr. skipulagslaga um útgáfu byggingar- eða framkvæmdaleyfis þar sem deiliskipulag er ekki í gildi en framkvæmdin er í samræmi við landnotkun, byggðamynstur og þéttleika byggðar,
6. ákvörðun um heiti á götum, vegum, torgum og hverfum samkvæmt 47. gr. skipulagslaga, að fenginni umsögn nafnanefndar,
7. ákvarðanir samkvæmt 48. gr. skipulagslaga um skiptingu landa og lóða,
8. ákvörðun um samþykkt á framkvæmdaleyfi skv. 13. gr. skipulagslaga þegar deiliskipulag liggur ekki fyrir,
9. ákvörðun um samþykkt og útgáfu á framkvæmdaleyfi matsskyldra framkvæmda skv. 14. gr. skipulagslaga,
10. ákvörðun um að staðfesta stöðvun skipulagsfulltrúa á framkvæmdum sem hafnar eru án framkvæmdaleyfis, framkvæmdaleyfi brýtur í bága við skipulag eða það er fallið úr gildi. sbr. 53. gr. skipulagslaga,
11. ákvörðun um að beita dagsettum í samræmi við 54. gr. skipulagslaga.

#### 3. gr.

Skipulagsráð afgreiðir eftirtalin verkefni laga um mat á umhverfisáhrifum nr. 106/2000 án staðfestingar bæjarstjórnar:

1. að veita umsögn um matsskyldar framkvæmdir skv. 5. gr. laganna,



## Akureyrarbær

2. að veita umsögn um framkvæmdir sem kunna að vera háðar mati á umhverfisáhrifum og tilgreindar eru í flokki B í 1. viðauka laganna,
3. tekur ákvörðun samkvæmt 6. gr. laganna um hvort framkvæmd sem háð er framkvæmdaleyfi eða byggingarleyfi samkvæmt skipulagslögum eða mannvirkjalögum og tilgreind er í flokki C í 1 viðauka laga um mat á umhverfisáhrifum, skuli háð mati á umhverfisáhrifum.

### 4. gr.

Fundargerðir skipulagsráðs skulu lagðar fram til kynningar á næsta reglulega fundi bæjarstjórnar.

### 5. gr.

Eftir að skipulagsráð hefur tekið ákvörðun og hún verið tilkynnt, á aðili máls rétt á því að mál sé tekið fyrir að nýju ef ákvörðun hefur byggst á ófullnægjandi eða röngum upplýsingum um málsatvik eða ef íþyngjandi ákvörðun um boð eða bann hefur byggst á atvikum sem hafa breyst verulega frá því að ákvörðun var tekin. Endurupptaka er heimil innan þriggja mánaða frá því að aðila máls var eða mátti vera kunnugt um ákvörðunina. Aðili máls skal beina kröfu um endurupptöku máls til bæjarráðs.

### 6. gr.

Bæjarstjórn felur sviðsstjóra skipulagssviðs að afgreiða mál á starfssviði hans, sem heyrar undir skipulagsráðs sbr. viðauki 2.4. Bæjarstjórn setur reglur um afgreiðslu þessara mála. Skipulagsráð hefur eftirlit með afgreiðslum sviðsstjóra skipulagssviðs og skulu þær kynntar á næsta reglulega fundi skipulagsráðs.

## **Viðaukar sviðsstjóra 2.0**

### **Viðauki 2.1. Bæjarlögmaður**

#### 1. gr.

Bæjarlögmaður afgreiðir án staðfestingar bæjarstjórnar eftirtalin mál sem eru á verkefnasviði bæjarráðs:

Umsagnir til sýslumanns vegna tækifærisleyfa skv. 17. gr. laga nr. 85/2007 og vegna leyfa til sölu gistingar, veitingar og útleigu samkomusala í atvinnuskyni, sem m.a. staðfestir að afgreiðslutími og staðsetning staðar sem umsókn lýtur að sé innan þeirra marka sem reglur og skipulag sveitarfélagsins segja til, skv. 1. tl. 4. mgr. 10. gr. laga nr. 85/2007.

#### 2. gr.

Bæjarlögmanni er heimilt að vísa ákvörðun skv. 1. gr. til bæjarráðs til fullnaðarafgreiðslu, s.s. ef lög, reglur eða stefna eru ekki skýr eða ljóst er að ákvörðun er stefnumarkandi.

#### 3. gr.

Ákvarðanir bæjarlögmanns skulu kynntar bæjarráði með skriflegri skýrslu a.m.k. einu sinni á ári.



### 4. gr.

Eftir að bæjarlögmaður hefur tekið ákvörðun og hún verið tilkynnt, á aðili máls rétt á því að mál sé tekið fyrir að nýju ef ákvörðun hefur byggst á ófullnægjandi eða röngum upplýsingum um málsatvik eða ef íþyngjandi ákvörðun um boð eða bann hefur byggst á atvikum sem hafa breyst verulega frá því að ákvörðun var tekin. Endurupptaka er heimil innan þriggja mánaða frá því að aðila máls var eða mátti vera kunnugt um ákvörðunina. Aðili máls skal beina kröfu um endurupptöku máls til bæjarráðs.

### Viðauki 2.2. Sviðsstjóri fjársýslusviðs

#### 1. gr.

Sviðsstjóri fjársýslusviðs afgreiðir án staðfestingar bæjarstjórnar eftirtalin mál sem eru á verkefnasviði bæjarráðs:

Umsóknir um afslátt af fasteignaskatti skv. reglum um afslátt af fasteignaskatti sbr. 4. mgr. 5. gr. laga um tekjustofna sveitarfélaga nr. 4/1995.

#### 2. gr.

Sviðsstjóra fjársýslusviðs er heimilt að vísa ákvörðun skv. 1. gr. til bæjarráðs til fullnaðarafgreiðslu, s.s. ef lög, reglur eða stefna eru ekki skýr eða ljóst er að ákvörðun er stefnumarkandi.

#### 3. gr.

Ákvarðanir sviðsstjóra fjársýslusviðs skulu kynntar bæjarráði með skriflegri skýrslu a.m.k. einu sinni á ári.

#### 4. gr.

Eftir að sviðsstjóra fjársýslusviðs hefur tekið ákvörðun og hún verið tilkynnt, á aðili máls rétt á því að mál sé tekið fyrir að nýju ef ákvörðun hefur byggst á ófullnægjandi eða röngum upplýsingum um málsatvik eða ef íþyngjandi ákvörðun um boð eða bann hefur byggst á atvikum sem hafa breyst verulega frá því að ákvörðun var tekin. Endurupptaka er heimil innan þriggja mánaða frá því að aðila máls var eða mátti vera kunnugt um ákvörðunina. Aðili máls skal beina kröfu um endurupptöku máls til bæjarráðs.

### Viðauki 2.3. Sviðsstjóri stjórnsýslusviðs

#### 1. gr.

Sviðsstjóri stjórnsýslusviðs afgreiðir án staðfestingar bæjarstjórnar, eftirtalin mál sem eru á verkefnasviði kjarasamninganefndar:

1. röðun starfsmanna í launaflokka,
2. túlkun kjarasamninga að öðru leyti

að því marki sem slíkt er ekki ákveðið í samráðsnefndum aðila kjarasamninga.



### 2. gr.

Sviðsstjóra stjórnarsýslusviðs er heimilt að vísa ákvörðun skv. 1. gr. til kjarasamninganefndar til fullnaðarafgreiðslu, s.s. ef lög, reglur, kjarasamningar eða stefna eru ekki skýr eða ljóst er að ákvörðun er stefnumarkandi.

### 3. gr.

Ákvarðanir sviðsstjóra stjórnarsýslusviðs skulu kynntar kjarasamninganefnd og bæjarráði með skriflegri skýrslu a.m.k. einu sinni á ári.

### 4. gr.

Ákvörðunum sviðsstjóra stjórnarsýslusviðs skv. 1. gr. er hægt að vísa til samráðsnefndar Sambands íslenskra sveitarfélaga og viðkomandi stéttarfélags.

## Viðauki 2.4. Sviðsstjóri skipulagssviðs – skipulagsfulltrúi

### 1. gr.

Sviðsstjóri skipulagssviðs fer með hlutverk skipulagsfulltrúa í samræmi við ákvæði skipulagslaga nr. 123/2010.

### 2. gr.

Skipulagsfulltrúi afgreiðir eftirtalin verkefni skipulagslaga nr. 123/2010, án staðfestingar bæjarstjórnar, sem eru á verkefnasviði skipulagsráðs, sbr. 2. mgr. 6. gr. skipulagslaga:

1. gefur út framkvæmdaleyfi skv. 13. gr. laganna fyrir framkvæmdir sem eru í samræmi við gildandi skipulagsáætlanir,
2. afgreiðir tillögu um deiliskipulag ef fallist er á allar athugasemdir Skipulagsstofnunar um form deiliskipulagstillögu skv. 5. ml. 1. mgr. 41. gr. laganna,
3. afgreiða tillögu um óverulega breytingu á deiliskipulagi til Skipulagsstofnunar skv. 2. mgr. 43. gr. skipulagslaga, hafi engar athugasemdir borist við grenndarkynningu. Skipulagsfulltrúa er einnig heimilt að afgreiða tillögu um óverulega breytingu á deiliskipulagi til Skipulagsstofnunar skv. 3. mgr. 44. gr. skipulagslaga,
4. framlengir frest til að gera athugasemdir við auglýstar eða grenndarkynntar tillögur,
5. stöðva framkvæmd sem er hafin án þess að framkvæmdaleyfi sé fengið fyrir henni, framkvæmdaleyfi brýtur í bága við skipulag, hafi fallið úr gildi eða framkvæmd sé í ósamræmi við útgefið framkvæmdaleyfi eða skilyrði þess. Einnig getur skipulagsfulltrúi krafist þess að hin ólöglega framkvæmd sé fjarlægð, jarðrask afmáð eða starfsemi hætt. Sinni framkvæmdaraðili ekki þeirri kröfu er heimilt að framkvæma slíkar aðgerðir á hans kostnað,
6. framsenda, vísa frá eða synja erindum sem beint er til skipulagsráðs og eru bersýnilega í ósamræmi við skipulagsáætlanir,
7. ráða til starfa byggingarfulltrúa í samræmi við 8. gr. laga um mannvirki nr. 160/2010.



## Akureyrarbær

Um afgreiðslur skipulagsfulltrúa gilda, eftir því sem við á, ákvæði skipulagslaga nr. 123/2010, ákvæði reglugerða settra á grundvelli laganna og samþykktir Akureyrarbæjar ef við á.

### 3. gr.

Afgreiðslur skipulagsfulltrúa sem taldar eru upp í 2. gr. skulu kynntar á næsta reglulega fundi skipulagsráðs.

### 4. gr.

Skipulagsfulltrúa er heimilt að vísa ákvörðun skv. 2. gr. til skipulagsráðs til fullnaðarafgreiðslu, s.s. ef lög, reglur, skipulag eða stefna eru ekki skýr eða ljóst er að ákvörðun er stefnumarkandi. Ef ætla má að aðili máls muni ekki sæta niðurstöðu skipulagsfulltrúa skal skipulagsfulltrúi vísa málinu til afgreiðslu skipulagsráðs.

### 5. gr.

Eftir að skipulagsfulltrúi hefur tekið ákvörðun og hún verið tilkynnt, á aðili máls rétt á því að mál sé tekið fyrir að nýju ef ákvörðun hefur byggst á ófullnægjandi eða röngum upplýsingum um málsatvik eða ef íþyngjandi ákvörðun um boð eða bann hefur byggst á atvikum sem hafa breyst verulega frá því að ákvörðun var tekin. Endurupptaka er heimil innan þriggja mánaða frá því að aðila máls var eða mátti vera kunnugt um ákvörðunina. Aðili máls skal beina kröfu um endurupptöku máls til bæjarráðs.

## **Viðauki 2.6. Sviðsstjóri fræðsluviðs**

### 1. gr.

Sviðsstjóri fræðsluviðs afgreiðir án staðfestingar bæjarstjórnar eftirtalin mál sem eru á verkefnasviði fræðsluráðs:

1. ráðningar skólastjóra,
2. samninga til eins árs sem eru í samræmi við starfsáætlun ráðsins,
3. leyfi fyrir skólavist í öðrum sveitafélögum,
4. leyfi fyrir skólavist nemenda í skólum á Akureyri sem eiga lögheimili utan Akureyrar,
5. leyfi fyrir rannsóknnum í skólum,
6. umsóknir um launalaus leyfi,
7. umsóknir um leikskólavist,
8. umsóknir um tíma vegna sérkennslu í leik- og grunnskólum og aðra sérþjónustu,
9. leyfi fyrir leikskólavist í öðrum sveitarfélögum,
10. leyfi fyrir leikskólavist í leikskólum Akureyrar fyrir börn sem eiga lögheimili utan Akureyrar,
11. leyfi til daggæslu barna í heimahúsum



### 2. gr.

Sviðsstjóra fræðslusviðs er heimilt að vísa ákvörðun skv. 1. gr. til fræðsluráðs til fullnaðarafgreiðslu, s.s. ef lög, reglur eða stefna eru ekki skýr eða ljóst er að ákvörðun er stefnumarkandi.

### 3. gr.

Ákvarðanir sviðsstjóra fræðslusviðs skulu kynntar fræðsluráði með skriflegri skýrslu a.m.k. einu sinni á ári.

### 4. gr.

Eftir að sviðsstjóri fræðslusviðs hefur tekið ákvörðun og hún verið tilkynnt, á aðili máls rétt á því að mál sé tekið fyrir að nýju ef ákvörðun hefur byggst á ófullnægjandi eða röngum upplýsingum um málsatvik eða ef íþyngjandi ákvörðun um boð eða bann hefur byggst á atvikum sem hafa breyst verulega frá því að ákvörðun var tekin. Endurupptaka er heimil innan þriggja mánaða frá því að aðila máls var eða mátti vera kunnugt um ákvörðunina. Aðili máls skal beina kröfu um endurupptöku máls til bæjarráðs.

## Viðauki 2.7. Sviðsstjóri fjölskyldusviðs

Sviðsstjóri fjölskyldusviðs afgreiðir án staðfestingar bæjarstjórnar eftirtalin mál sem eru á verkefnasviði velferðarráðs

### 1. gr.

- b) umsóknir um fjárhagsaðstoð samkvæmt reglum Akureyrarbæjar um fjárhagsaðstoð,
- c) umsóknir um leiguhúsnæði skv. lögum um húsnæðismál nr 44/1998 og reglum um leiguíbúðir Akureyrarbæjar frá 15. mars 2016 og undanþágur frá þeim,
- d) umsóknir um sérstakan húsnæðisstuðning skv. 2. mgr. 45. gr. laga um félagsþjónustu sveitarfélaga nr. 40/1991,

### 2. gr.

Sviðsstjóra fjölskyldusviðs er heimilt að vísa ákvörðun skv. 1. gr. til velferðarráðs til fullnaðarafgreiðslu, s.s. ef lög, reglur eða stefna eru ekki skýr eða ljóst er að ákvörðun er stefnumarkandi.

### 3. gr.

Ákvarðanir sviðsstjóra fjölskyldusviðs skulu kynntar velferðarráði með skriflegri skýrslu a.m.k. einu sinni á ári.

### 4. gr.

Eftir að sviðsstjóri fjölskyldusviðs hefur tekið ákvörðun og hún verið tilkynnt, á aðili máls rétt á því að mál sé tekið fyrir að nýju ef ákvörðun hefur byggst á ófullnægjandi eða röngum upplýsingum um málsatvik eða ef íþyngjandi ákvörðun um boð eða bann hefur byggst á atvikum sem hafa breyst verulega frá því að ákvörðun var tekin. Endurupptaka er heimil innan þriggja mánaða frá því að aðila máls var eða mátti vera kunnugt um ákvörðunina. Aðili máls skal beina kröfu um endurupptöku máls til bæjarráðs.



## Akureyrarbær

### **Viðauki 2.8. Sviðsstjóri búsetusviðs**

#### 1. gr.

Sviðsstjóri búsetusviðs afgreiðir án staðfestingar bæjarstjórnar eftirtalin mál sem eru á verkefnasviði velferðarráðs:

- a) umsóknir um heimaþjónustu skv. reglum um heimaþjónustu Akureyrarbæjar,
- b) umsóknir um búsetu fyrir fatlað fólk,
- c) umsóknir um ferliþjónustu skv. reglum um ferliþjónustu á Akureyri,
- d) umsóknir um stoðþjónustu skv. 8. og 10. gr. laga um þjónustu við fatlað fólk með langvarandi stuðningsþarfir, skammtímaþjónustu og fleira

#### 2. gr.

Sviðsstjóra búsetusviðs er heimilt að vísa ákvörðun skv. 1. gr. til velferðarráðs til fullnaðarafgreiðslu, s.s. ef lög, reglur eða stefna eru ekki skýr eða ljóst er að ákvörðun er stefnumarkandi.

#### 3. gr.

Ákvarðanir sviðsstjóra búsetusviðs skulu kynntar velferðarráði með skriflegri skýrslu a.m.k. einu sinni á ári.

#### 4. gr.

Eftir að sviðsstjóri búsetusviðs hefur tekið ákvörðun og hún verið tilkynnt, á aðili máls rétt á því að mál sé tekið fyrir að nýju ef ákvörðun hefur byggst á ófullnægjandi eða röngum upplýsingum um málsatvik eða ef íþyngjandi ákvörðun um boð eða bann hefur byggst á atvikum sem hafa breyst verulega frá því að ákvörðun var tekin. Endurupptaka er heimil innan þriggja mánaða frá því að aðila máls var eða mátti vera kunnugt um ákvörðunina. Aðili máls skal beina kröfu um endurupptöku máls til bæjarráðs.

### **Viðauki 2.9. Framkvæmdastjóri Öldrunarheimila Akureyrar**

#### 1. gr.

Framkvæmdastjóri Öldrunarheimila Akureyrar afgreiðir án staðfestingar bæjarstjórnar eftirtalin mál sem eru á verkefnasviði velferðarráðs:

- a) tillögur færni- og heilsumatsnefndar um dvöl á Öldrunarheimilum Akureyrar skv. reglum,
- b) umsóknir um dagdvöl aldraðra skv. reglum sem bæjarstjórn setur

#### 2. gr.

Framkvæmdastjóri Öldrunarheimila Akureyrar er heimilt að vísa ákvörðun skv. 1. gr. til velferðarráðs til fullnaðarafgreiðslu, s.s. ef lög, reglur eða stefna eru ekki skýr eða ljóst er að ákvörðun er stefnumarkandi.

#### 3. gr.

Ákvarðanir framkvæmdastjóra Öldrunarheimila skulu kynntar velferðarráði með skriflegri skýrslu a.m.k. einu sinni á ári.





## Akureyrarbær

4. gr.

Eftir að framkvæmdastjóri Öldrunarheimila hefur tekið ákvörðun og hún verið tilkynnt, á aðili máls rétt á því að mál sé tekið fyrir að nýju ef ákvörðun hefur byggst á ófullnægjandi eða röngum upplýsingum um málsatvik eða ef íþyngjandi ákvörðun um boð eða bann hefur byggst á atvikum sem hafa breyst verulega frá því að ákvörðun var tekin. Endurupptaka er heimil innan þriggja mánaða frá því að aðila máls var eða mátti vera kunnugt um ákvörðunina. Aðili máls skal beina kröfu um endurupptöku máls til bæjarráðs.

Samþykkt í bæjarstjórn í fyrra sinn 6. nóvember 2018

Samþykkt í bæjarstjórn í seinna sinn 20. nóvember 2018

*Samgöngu- og sveitarstjórnarráðuneytinu, 20. desember 2018.*

F. h. r.

**Hermann Sæmundsson**

**Birt í Stjórnartíðindum 11. janúar 2018**